



## PROPOSTA DE BASES DO “IV ENTROIDO TAPAS”

A Concellería de Promoción Económica, Turismo e Medio Ambiente do Concello de Sada xunto o sector hosteleiro e a agrupación “ Eres de Tapas si...”organiza o IV Entroido de Tapas, co obxectivo de promocionar e potenciar o sector hosteleiro, a restauración e o turismo no municipio.

### 1.-Ambito de participación:

Poderá participar calquera establecemento adicado a hostalería e restauración do Concello de Sada.

### 2.-Datos de celebración:

O 22, 23 e 24 de febreiro de 2019 .

### 3.-Obxecto de participación:

Cada establecemento participante poderá presentar a concurso un máximo de unha tapa, que deberá contar nos seus ingredientes principais con produtos típicos da época do entroido (cachucha, grelos, patatacas, chourizo, filloas...). Os establecementos deberán dispor dos ingredientes suficientes con previsión a cada servizo durante os días que dure o certame, establecendo **un prezo fixo obligatorio de un euro (1 €) por tapa servida** (consumición aparte segundo PVP). Os establecementos poderán seguir ofrecendo as súas tapas ou pinchos de cortesía habituais, que non entraran na promoción do evento.

### 4.-Inscripción:

As instancias solicitando tomar parte no IV Entroido de tapas presentaranse no Rexistro Xeral do Concello ou nalgún dos lugares previstos no artigo 16.4 da Lei 39/2015, de 1 de outubro. O prazo de presentación de instancias será do 11 a 15 de febreiro de 2019 (a.i.) .

### 5.-Difusión de material de participación:

Unha vez pechado o prazo de inscrición o Concello de Sada difundirá e promocionará todo o relativo ao concurso, a través das redes sociais e outros medios de difusión.

O deseño do material correrá a cargo do persoal do concello .

### 6.-Modo e período de participación.

A tapa que se presente ao concurso deberá estar anunciada e exposta de forma destacada no establecemento os días do evento, no horario de servizo proposto polos propios locais no momento da inscrición. O Concello distribuirá unha urna para a votación e unha cantidade suficientes de boletos que, a disposición da clientela, servirán para determinar a tapa gañadora do premio do publico. Os establecementos deberán ter exposto en lugar visible o cartaz anunciador do certame así como a urna de votación e os boletos .

### 7.- Modalidades de votación:

- **Votación do público:** Toda vez que un cliente deguste unha tapa presentada a concurso o establecemento participante deberá entregarlle un boleto de votación para que o cubra, incluíndo os datos de contacto. Solo así será válida a participación. O boleto deberá introducirse na urna correspondente en calquera dos establecementos participantes durante o período de duración do concurso. No caso de non ter o selo do local a papeleta considerarase nula.

Para entrar no sorteos os clientes deberán cubrir con tres selos as papeletas de participación, que poderán ter un máximo de 2 selos por cada establecemento.

-**Votación do xurado:** O Concello de Sada, a través da Concellería de Promoción Económica, Turismo e Medio Ambiente, e o grupo “Eres de tapas si...” propondrá un xurado integrado por membros do sector, que deberán puntuar cada unha das tapas presentadas a concurso entre 1 e 5 puntos atendendo a : coidado e presentación, sabor, dificultade de elaboración, ingredientes propio da comarca utilizados, valor nutricional e valoración global, destacando sempre os ingredientes propios da tempada. Os xurados iran debidamente identificados e estará composto por un máximo de 5 persoas. Os locais participantes están obrigados a subministrar botellín de auga e a tapa a degustar sen custe. No caso de que a consumición a pedir sexa outra (refrescos, viño, cevexa....) os locais



participantes poderán achegar o a correspondente factura polo importe das mesmas ao concello unha vez finalizado o evento

- **Votación nas redes (Facebook):** O grupo “Eres de tapas si...” outorgará un premio especial ao local con mais mencións nas redes.

Para votar o cliente deberá facer unha foto da tapa nos locais que considere oportuno e compartilo no grupo. Este xesto será valorado con 3 puntos e cada gústame que reciba a foto outorgara 1 punto.

### **8.-Recollida de votos.**

O Concello de Sada a través do persoal designado para tal fin, recollerá os boletos de votación non utilizados e precintará e recollerá as urnas de votación dos establecementos participantes entre os días 25 e 28 de febreiro.

### **9.- Resolución.**

O persoal designado polo Concello a tal fin será o encargado de recontar os votos totais emitidos en cada urna e recoller a decisión do xurado. O grupo “Eres de tapas si...” emitirá o fallo relativo ao seu galardón, baseado nos votos emitidos no seu grupo de Facebook.

Aquel establecemento que obteña a puntuación mais alta será o gañador absoluto do concurso en cada unha das modalidades. Os locais participantes poderán estar presentes durante o proceso de recuento oficial dos votos se así o solicita previamente. O resultado decidírase o día 1 marzo de 2019. Todas as resolucións do concurso tras a votación serán inapelables e os premios non poderán quedar desertos.

### **10.- Premios.**

Establécense os seguintes premios: Para os locais participantes e para o publico:

Para os locais:

-Premio do público: puntuación total obtida do recuento de votos válidos. Recibirán trofeo e diploma honorífico. A tapa gañadora aparecerá na portada do Facebook de Turismo durante 7 días.

- Premio do xurado: Votado polo xurado segundo os criterios establecidos no apartado 7 das presentes bases. Recibirán trofeo e diploma honorífico. A tapa gañadora aparecerá na portada do Facebook de Turismo durante 7 días.

Para os clientes:

-Votos físicos emitidos nos locais: 1 vale por importe de 50 € para gastar nunha comida/cea (a escoller) nun dos locais gañadores en calquera modalidade do concurso.

-A través do grupo “Eres de Tapas si...”. Sorteo de 1 vale por importe de 50 € para gastar nunha comida/cea (a escoller) no local gañador do concurso de Facebook.

O día 1 de marzo ás 20:00 H farase entrega de tódolos premios no Salón de Plenos do Concello sito en Avda. Do Porto Nº 24. No caso de que algún premio non sexa retirado nesta data quedará deserto. Por indicación expresa do xurado poderán outorgarse mencións especiais ou accésits.

### **11.-Aceptación das bases:**

A participación no certame implica a aceptación das presentes bases así como a súa resolución.

Sada, 5 febreiro de 2019.



Xosé Lois Suárez Becerra  
Concelleiro de P. Económica,  
Turismo e Medio Ambiente.